

# TEZAUUR LITURGIC

7 MAI

# ACATISTUL SF. CUVIOS DAVID DE LA GAREDJI GEORGIEI



MOSCOVA, 2000



# Акафист преподобному Давиду Гареджийскому

## Кондак 1

Избранный учениче соревновал еси блаженной жизни учителю твоему богоносному Иоанну Зедазенскому, взяв на рамена свои крест Спасителя. Оставив всякое житейское попечение и умерщвлением стастей спас душу, наполнил вселенную чудесами благодати Духа Святаго и возсиял Иверии, яко звезда Богосветлая, потными трудами и слезами иноческими испровивши у Всевышняго Христа возрождения пустыни Гареджийской и слезами ее оросивши, радостно пожал многими чудотворениями, тем же восхваляем тя любовью в песнях духовных, святаго нашего заступника. Яко же имея дерзновение ко Господу, молитвами твоими от всяких бед свободи нас, да зовем ти: Радуйся, святой преподобне отче Давиде, великий чудотворче.

## Икос 1

Ангелом любезную чистоту от юности твоея возлюбив, преподобне отче Давиде, к добродетелем подвижнику с преподобным Иоанном из далекой Каппадокии пришел еси на

поклонение Животворящему Хитону Господню и по благословению его из Зедазени прибыл в стольный град Тбилиси для потухания алтарей Зоры, и уединившись на Святой горе, непорочное житие совершил, и совершенства духовнаго нам оставив, неленостно работавши Господу, в преподобии и святыни. Нам же оставивый в пример подражание житие твое равноангельное, чудящиеся и чудеса твоими просвещаемы зовем ти гласы хвалебными сице: Радуйся, престольнаго града Тбилиси прозябение святое.

Радуйся, сиротствовавшии в юности твоей боголюбовью взыскавый в сиротстве твоём.

Радуйся, пустыни доброе прозябение слезами молитвенными сердце твое у плодоносивый.

Радуйся, чтением писаний Божественных душу свою напитавай и верою последовал Евангелию Христову.

Радуйся, заповедей Иисусовых ревностный исполнителю.

Радуйся, постом в себе душетленные страсти умертвивый и молитвами усердными вся искушения диавольския отразивый.

Радуйся, дракона диавольскаго огнем поразивый.

Радуйся, на высоту духовную восшедый.

Радуйся, во плоти, яко безплотен пожил еси.

Радуйся, узкими враты в пространство Царствия Небеснаго возшел еси.

Радуйся, яко нечестивыми служителями Зоры гонимый, венец неувядаемый от Господа восприял еси.

Радуйся, яко на небеси и на земли прославлен еси.

Радуйся, святой преподобне отче Давиде, великий чудотворче.

### **Кондак 2**

Видя, нечестивые огнепоклонники алтаря Зоры, благое души твоея изволение на ниву, возделанную тобою к плодоносию Христову, желая тебя погубити, оклеветавше в блудодействии.

Ты же, явившись на суд, коснувшись жезлом чрева блудницы воспросил: - "Чадо, скажи, я ли твой отец", отвечаше же из утробы рече: - "не ты, а кузнец", ты же повелел еси в страданиях родить камень, называя "Квашветы". Видя же такое чудо, уверовавшие во Христа, возопили к Богу: Аллилуиа.

### **Икос 2**

Разумом Богопросвещенным достигл еси суету градскаго, оклеветавшаго тя, волнениям страстей житейской суеты противопоставив святость и насадил еси себя в пустыни с

преподобным учеником твоим Лукианом, оросившись потоками слез твоих, подобно горчичному зерну возвысил себя и расцвел, дав плоды сладости и благодати, подобно праведному Иову, предстал пред Троицей и получив почет по великим заслугам твоим, сего ради вопием ти:

Радуйся, безмолвия любителю, пустыню подвигами твоими освятивый.

Радуйся, ученику твоему блаженному Лукиану жестокое житие облегчивый.

Радуйся, в пустыни жестокой псалмопении немолчными Бога славивый и молитвы не преставая Господеви возносивый.

Радуйся, у Бога в пустыни воду испросивый.

Радуйся, постниче, не изнемогая былием и кореньями пустыни питавайся.

Радуйся, Богом елени в пустыни для доения даровавый.

Радуйся, в худых многошвенных ризах коленопреклонения многия совершивый.

Радуйся, подобно богомудрой пчеле, как труждающийся отец от различных сладостей иночество собравый.

Радуйся, яко монашество такожде сладостию многих в деле привел еси.

Радуйся, собранную братию твою духовною сладостию изобильно насытил и в добродетелех

укрепил еси.

Радуйся, алчущим и жаждущим правды живота  
вечнаго возвестил еси.

Радуйся, ищущим пути спасительнаго  
указателю.

Радуйся, святой преподобне отче Давиде,  
великий чудотворче.

### **Кондак 3**

Силою Божиею укрепленный совершил еси пути  
далекия до стольнаго града Тбилиси, и оттуда в  
Гареджийскую пустыню водворился еси. И  
создав обитель, своими руками пещеры высек  
еси: и присно молящийся ко Господу, да  
благословит дела рук твоих, во славу имени Его  
святаго, и на спасение ближних твоих, иже и  
примером твоим научил еси, неленостно  
возносить хвалебную песнь Богу: Аллилуиа.

### **Икос 3**

Имея помыслы чисты, силою Господа  
умудренный и укрепленный, преподобне отче  
Давиде, во всю землю изыде глас святости твоя  
и на небеси обрел еси мзду воздаяния подвигов  
твоих и диавольский легион упразднив, приняв  
ангельский лик, уподобился им своим  
безпорочным житием, имея дерзновение пред  
Христом Богом, мы дивящиеся толикой твоей  
святости вопием:

Радуйся, крепости и мужества, тезоименитый подвижник.

Радуйся, дракона диавольскаго огнем поразивый.

Радуйся, на высоту духовную возшедый.

Радуйся, во плоти, яко безплотен пожил еси.

Радуйся, узкими враты в пространство Царствия Небеснаго возшел еси.

Радуйся, яко нечестивыми служителями Зоры гонимый, венец неувядаемый от Господа восприял еси.

Радуйся, яко на небеси ина земли прославлен еси.

Радуйся, святой преподобне отче Давиде, великий чудотворче.

#### **Кондак 4**

Бурю многомятежную житейскаго моря безбедно прошел еси, преподобне отче Давиде, и пристани безстрастия достигл еси, окормляемый заповедью Христа, имея же ревность видети, отче, святой град Иерусалим с блаженным Лукианом пошел еси, оставив обитель свою на попечение преподобнаго Додо. Сам же не осмелившись вступить в святой град, дабы ногами своими не осквернить землю, освященную стопами Господними, вернувшись же принес благодатный камень. Тем же ныне в пустынные пещерах водворяешься и сподобился

еси во плоти в безстрастии глубокоем возносити  
Творцу Серафимскую песнь: Аллилуиа.

#### **Икос 4**

Лествицею возвышенною между небом и землею  
явился ты, преблаженный отче Давиде, и возвел  
до высоты видящих тебя и облеченных тобой  
верою, учением и подвигов твоих, яже принесл  
еси Христу Богу в воню благоухания духовнаго.  
И вси ближние и дальние, слышавшие  
ангелоподобное твое житие и благодати чудес  
струю вытекающую, яко молитвою твоею  
разнообразные недуги с верою притекающие,  
здравие улучшают сих избавляющихся вопияху  
тебе таковая:

Радуйся, мироварнице на вся недуги  
врачевания подавающая.

Радуйся, безмездно паче естества врачу  
скромилостиве.

Радуйся, милости превеликия и скорбных  
страданий сокровище.

Радуйся, увеселение и отрада к тебе  
прибегающаго.

Радуйся, замахнувшись на тебя руставский  
воевода засохла десница его.

Радуйся, по молитве твоей руку варвара  
воеводы исцеливый.

Радуйся, сына его от одра болезненнаго именем  
Христа воздвигнувый, а народ его в истинную

веру Христову приведый.

Радуйся, молитвами твоими на твоей горе воду испросивый, а в пустыни горькую воду усладивый.

Радуйся, молитвами твоими твоя вода чудодейственно исцеляет от недуга с верою притекающих к ней.

Радуйся, твоими Христопоследовательными стопами пустыню Гареджийскую освятивый.

Радуйся, Божественным сиянием Иверскую землю освятивый.

Радуйся, любовь велию ко Господу стяжавый и от Него зело возлюбленный.

Радуйся, святой преподобне отче Давиде, великий чудотворче.

### **Кондак 5**

Боготечной, пресветлой звездой явился еси, преподобне отче Давиде, земле Иверской, украшая небо церковное и всех блудящих по морю страстного жития сего, данною тебе от Солнца правды, Христа Иисуса, истиннаго Бога, благодатию озаряя мрак печалей и мглу недуг и скорбей прогоняя, наставляеши всех к тебе верою притекающих на путь спасения к вечному небесному отечеству ведуци, поющих тебе: Аллилуиа.

## Икос 5

Видевше, преподобне отче Давиде, яко в мире сем всяческая суета тлению причастна, подобно Иоанну Крестителю в пустыни водворился и непреодоленными трудами спасся, ибо у тебе преблаженного не было попечения для роста телесного, чем существует всякое тело, а заботился о росте духовной святости, чем пропахал и возстановил многие души и соединил для славы Божией и благодарности твоих подвигов. Преподобне отче Давиде, величие Гареджийское, потщился Всеведущему Богу благоугодивши воистинну и вообще потрудился переменяв бо тленное на нетление, наипаче же предстояния сподобился у страшного Престола Владычня в славе вечной, тем же вопием: Радуйся, светильниче пустыни древо благоплодное, небесного насаждения. Радуйся, крине благоуханный пустынного прозябения. Радуйся, в себе самом храм Триипостасному Божеству уготовивший. Радуйся, якоже Христос в телеси, тамо же и ты пребываеши. Радуйся, тамо, яко в зеркале в Бозе, вся Ему любезная созерцаеши. Радуйся, созерцая в Нем молящихся ти о помощи, молитвою своею им полезное

ходатайствуеши.

Радуйся, благодатный камень из святого града принесенный, яко бисер драгий от Господа Иисуса обретенный.

Радуйся, благодатный камень в пустыни, яко виноград Христов насадивый.

Радуйся, иго Христово благое и легкое возлюбивый.

Радуйся, крест скорбей и лишений пустынных терпеливо носивый.

Радуйся, розго Христова, лозы истинныя, много плодов нечестивых шахов Абассов светлым Воскресением Христовым истребивый.

Радуйся, благий рабе, верный и добрый делателю винограда Христова.

Радуйся, святой преподобне отче Давиде, великий чудотворче.

### **Кондак 6**

Проповедник подвигов твоих в пустыни Гареджийской явился. Ловец зверей и дивых птиц. Иже гнав дракон еленя в кустах непроходимых, а фазана сокол Варвара. Смотрием же Божиим обрете храмину твою, преподобне отче Давиде. Варвар же видя тебя во плоти Ангела, знамение благодатного озарения на лице своем носяща. Варвар же исполнися страха и радости и припаде к

честным твоим стопам, во умилении сердца  
возопи Зиждителю Богу: Аллилуиа.

## **Икос 6**

Возсиявый, яко богосветлое светило яркой  
звездой в пустыни Гареджийской, насадил  
райский питомник словес улаждающих души и  
сердца человеков, искавших от тебе  
наставления во спасение. Мнози бо видяху тя  
равноангельна твоим житием, прихождаху к  
тебе, слышавше от тебе глаголы живота вечнаго,  
тебе убо святому учителю небесныя истины  
сотворившему и научившему, и мы смиренные,  
зовем хвалебно:

Радуйся, Христов немолчный проповедник.

Радуйся, апостольких преданий ревностный  
хранитель.

Радуйся, православия догматы, в душе твоей  
добре утвердивый.

Радуйся, в след себе собор учеников твоих ко  
Христу приведый.

Радуйся, учеником твоим венец терновый  
приявый.

Радуйся, с ними, яко отец со чады прияти мзду  
небесную от Господа возшедый.

Радуйся, яко далече отставши святыи святыи  
град Господень, судьбами Божиими близ дивно  
показался тебе.

Радуйся, великий угодниче Божий, еще на земли

созерцал еси свет небесный, получивший  
благодатную силу творения чудес.

Радуйся, многих неверных ко Христу  
обративый.

Радуйся, несокровенный талант твой от Бога  
данный на пользу нивы Господней обративый.

Радуйся, избранный слуга Богоматери в свой  
удел приславый.

Радуйся, благоволением Владычицы мира, Ея  
удел облагодатствовавый.

Радуйся, святой преподобне отче Давиде,  
великий чудотворче.

### **Кондак 7**

Единое хотение имел еси, преподобне отче  
Давиде, угодити Богу, оставил еси град  
отечества своего и потекл еси с учителем своим,  
Богоносным Иоанном, в удел Пресвятыя  
Богородицы для спасения душевнаго,  
благочестно служил и неверных в истинный свет  
обратил. Темже обитель святая бысть,  
пристанище благоотишное для всякаго человека,  
утомленнаго в житейском мори. Ты же яко  
бодрый кормчий, вся ученики твоя наставлял  
еси словом и примером вдали мира и сует,  
сердцем и устным немолчно возглашати Богу:  
Аллилуиа.

## Икос 7

Новым подвигом духовным вдался еси,  
всеблаженне отче, в пустынях уединения  
пребывая в молитвах и в посте, и в трудах  
непрестанных. Еже видя Всевидец Господь,  
собра к тебе паству иноков, пустыню любивых,  
иже хотяху жити с тобою, назидатися от тебе во  
спасение, и тако сам устроил обитель святую,  
яко крин, в пустыни процветший духовно, в нем  
же до днесь прославляется имя твое  
достодолжными похвалами:

Радуйся, преподобный, святостию и чистотою  
светло украшенный.

Радуйся, богоносный, дарами божественными  
свыше одаренный.

Радуйся, пастырю добрый, тобою собранного  
стада овец словесных.

Радуйся, пустыню непроходимую в вертоград  
духовный, трудами превративый.

Радуйся, Христово благоухание.

Радуйся, подобно Моисею, коснувшись жезлом  
скалы, давши воду жизни народу твоему.

Радуйся, паству твою словесную на пажитях  
живоносных Евангелия Христова упасый.

Радуйся, обитель твою в пустыни, по преданию  
святых отец и богоносных отец создавый.

Радуйся, богоноснаго Иоанна правила и уставы  
себе усвоивый, его благословением и молитвами

освятивый.

Радуйся, дивнаго учителя, дивный учениче.  
Радуйся, совершеннаго о Христе отца твоего  
духовнаго совершенный подражатель.

Радуйся, яко солнце возсиявый в обители  
зверей, и утверди в них ангелоподобных  
человек.

Радуйся, святой преподобне отче Давиде,  
великий чудотворче.

### **Кондак 8**

Странныя и преславныя чудеса являются от  
благодатнаго камня, принесеннаго из святаго  
града Иерусалима и от черплющих вод,  
испрошенных тобою от Господа, многообразные  
скорби исцеляющие благодатию, данною тебе от  
Бога, яко и преподобнаго брата твоего Лукиана,  
поверженнаго на земле от страха злочестиваго  
дракона воскресив, рече ему: "Чесо испугался  
брат, от единого червя, котораго Бога небесный  
огнем сжег еси, прииди и увидим и вместе  
прославим Бога Иисуса Всевышняго: Аллилуиа.

### **Икос 8**

Весь облеклся еси во всеоружие Божие, яко воин  
Христов, препоясав чресла твоя истиною,  
облеклся в броню правды, и обувь нозе твои, во  
уготование благовествования мира, восприял  
еси щит веры и шлем спасения, и меч духовный,

иже есть глагол Божий, имже возмогл еси вся наветы лукаваго победити. Помози и нам, преблаженне отче, твоими молитвами противиться искушениям вражиим и подражати тебе в побеждении страстей наших, да зовем тебе:

Радуйся, смирением святым гордыню душегубную поправый.

Радуйся, кротостию совершенною ярость пламени угасивый.

Радуйся, на мысленныя враги, пост, молитвы и коленопреклонения вместо оружия употребивый.

Радуйся, воине Христов непобедимый.

Радуйся, крылом богомыслия сети вражеские сокрушивый.

Радуйся, подвигом высоким на веки вертоград Христов насадив.

Радуйся, чудотворения даром обогащенный.

Радуйся, силою Божественною преисполненный.

Радуйся, помощь целебную не мздоприемно подавый.

Радуйся, маслина, елей милости Божией источавшая.

Радуйся, похвалами молитвенными до днесь обителью твоею почитаемый.

Радуйся, пустыня твоя Гареджа, почивающие в ней мощи твои.

Радуйся, святой преподобне отче Давиде,  
великий чудотворче.

### **Кондак 9**

Все естество Ангельское удивися великому  
твоему свыше дарованию благодати чудес  
твоих, превышающие человеческих сил и слов.  
Пришел еси в мир человеком, неестественное  
житие показал еси, отбросил все житейское, и  
направил стопы своя к небесной радости, яко  
Ангелом безплотным, отошел еси, и находился с  
безплотными, и радуешься с высшими во веки:  
сего ради вси иноцы обители твоея, яко Ангела  
почитаху тебя, ковчега святыни, и все  
приходящие, дальние и ближние в обитель твою  
святую, еже пети тебе хвалебную песнь,  
Верховному Творцу чудес: Аллилуиа.

### **Икос 9**

Витийство человеческое не может изрещи  
величие чудес твоих, угодниче Божий Давиде,  
имиже грешныя на покаяние приводил еси,  
кающихся уцеломудрил, подвижающихся в  
добродетели укрепил еси, всем пусть  
спасительный ко Христу, показал еси, по немже  
сам неуклонно шествовал, и житие твое земное,  
яко цветами благовонными духовно  
благоукрасился, облагоухая души верных,  
сладостию преподобия и святости, и приводя их

к славословию сие прославльшаго тя Своего избранника, нам же внушающа взывати к тебе: Радуйся, на скрижалех сердца своего закон Христов написавый.

Радуйся, иноческаго нестяжания и нищеты тепленный любитель.

Радуйся, все твое блаженство и утешение в нищете и в нестяжании положивый.

Радуйся, всецело самага себя на Божий промысл и попечение возложивый.

Радуйся, пустынный гражданин, грады и веси наполнивый славою твоих подвигов.

Радуйся, лозо Божия благословенная, ея же плодами напитавшия вернии.

Радуйся, глава святая, благодатию Божиею осененная.

Радуйся, приведый ко Христу ученики твоя, в добродетелех успевающая.

Радуйся, уготовавый ученьми твоими Господеви подвижники совершенныя.

Радуйся, полка иноческаго воеводо искусный.

Радуйся, пустынножителей предобрый руководитель.

Радуйся, иноческаго нестяжания и нищеты тепленный любитель.

Радуйся, святой преподобне отче Давиде, великий чудотворче.

## **Кондак 10**

Спасение вечное унаследовал еси, преблаженный отче, второй Илия, возвысивший пустыню на недосыгаемую высоту и превративший ея в цветущий Эдем. Облеченный силою благодати Божией преследовал невидимаго Веелзевула, преследовавшего слабых, и сокрушил злые его помыслы и прелести душевной его трапезы. Возвысился огненной колесницей до недосыгаемой высоты духовной. О, священная главо церкви Божией и предстоящий пред Агнцем, приявший воздаяние от руки Вседержителя Бога, и со Ангельскими воинствами предстоящий престолу Его Божественному, и воспевая немолчную Ему песнь: Аллилуиа.

## **Икос 10**

Озаряемый благодатию твоей святости и блистающими лучами света твоих подвигов, яко видя образ твой Богоносный, правила веры и утешителя собора иноков, молящихся к тебе и притекающих для спасения к тихому пристанищу. Молитвами твоими избавивши Церковь от страстей душевных и телесных и сокрушивши множество козней варварских. Буди же и нам стеной крепкой и непреоборимой от всяких нас бед и напастей, и благой надеждой на спасение при исходе нашем, да

поем тебе умиленным гласом: Радуется, Иверия твоим прибытием: возрадуется пустыня твоя, назвав "Гареджа", почив в ней мощи свои, собравшись вокруг которых, славят Иисуса Спаса душ наших:

Радуйся, избранниче Христов, безболезненно и мирно предавый дух твой в руке Божии.

Радуйся, яко смерть твоя честна пред Господом, и успение со святыми, и память твоя с похвалами почитается во святой Церкви.

Радуйся, яко со святыми блаженства вечного наслаждаешься.

Радуйся, со Ангельскими вои Творца Ангелов и человеков воспевая.

Радуйся, откровенным лицом славу Трисиятельного Божества созерцающий.

Радуйся, переселившись в небесныя обители и земных не оставляеши.

Радуйся, душою бессмертною к Сиону горнему воспаривый.

Радуйся, чудотворче в жизни, таким же и остался по смерти.

Радуйся, чтущим тебя скорый предстателю и всех прибегающих к тебе заступниче.

Радуйся, во смирении своем высокия дарования духовныя получивый.

Радуйся, святой преподобне отче Давиде, великий чудотворче.

## **Кондак 11**

Пение молебное приносится тебе, преблаженне отче Давиде, мудростию Божественною возсиявый, презрев все житейское, для благо того, чего тебе Бог уготовал, очи человеческие не видевше, уши не слышавше, и сердце человеческое не могущее постигнуть, идеже водворившись во веки веков, обаче многих чудес источаеши и озаряеши души и сердца, ищущих с верою твоего заступления и присно ходатайствующе, прося мира свыше, и благопоспешения во всем благом чадом твоим духовным, от них почитаешия достодождными похвалы с пением Триединому Богу: Аллилуиа.

## **Икос 11**

Светозарное светило явился еси в земле Иверской благодатию немерцающаго солнца, Христа Иисуса, просиявшаго и возсиявшаго, зрим тя, богомудрый отче Давиде, духовным сиянием твоих подвигов и чудес, просветивый пустыню и в ней обитель иноков устроивый. Велие число иноков величают тя наставника, через тебя постигшаго истинный путь, идущи по которому непоколебимо сопутствуют и ублажают истиннаго раба Божия, осеняемаго Божественными лучами трисолнечнаго света, сокрушившаго козни диавольския, собрата небесных безплотных сил, и всех святых

облистающих верных, вопиющих тебе таковая:  
Радуйся, Творцу и Богу во временном житии  
угодивый.

Радуйся, возшедый на гору высокую  
добродетелей Божественных.

Радуйся, яко от обители земныя во обитель  
небесную водворился.

Радуйся, великоименитый и многославный чудес  
подвижниче.

Радуйся, Иверской земли благодатное утешение.

Радуйся, сокровищница духовнаго богатства.

Радуйся, величие монахов, обители твоея  
присное дарование.

Радуйся, молитвы и прошения наши во благо  
исполняющий.

Радуйся, смиренно мощами твоими в недрах  
земных почивати восхотевый.

Радуйся, яко рака твоя честная и благодатный  
камень, принесенный тобой, недугом  
человеческим врачевницей является.

Радуйся, от них вси, с верою приходящие, дары  
целебныя приемлют.

Радуйся, реко чудес приснотекущая и источниче  
исцелений, никогдаже не оскудеваемый.

Радуйся, святой преподобне отче Давиде,  
великий чудотворче.

## **Кондак 12**

Благодать Господню испроси нам, преподобне отче Давиде, почитающим любовь святую память твою и усердно притекающим к тебе, темже чудотворения даром от Господа прославленному, прилежно молимся: исцели наши недуги душевныя и телесныя и помози нам предстательством твоим спасение вечное получитьи, да вкупе с тобой воспоим Дивному во Святых Своих: Аллилуиа.

## **Икос 12**

Премудрый преподобный отче Давиде, подобно солнцу возсиявый, силы чудес твоих в пустыни совершившись, яко благодатию твоею животные подобно людям прислуживали, зверем же запрети в пустыни быватьи, а люди же исцеленныя от недугов через тебя, славят Бога и тебя Давида, непоколебимаго столпа: башню, возвеличенную страхом Божиим: образца несравненной чистоты: примера воздержания и постничества и стойкаго стояния, зеркало монашеских подвигов, правило уединения, закона безпорочнаго жития. Восхвалим, богомудрые нашего небеснаго заступника и просим: в час грозный, егда убогая душа наша, к исходу своему приложится, покажи нам многомощное твое заступление и избави нас предстательством твоим от власти сил, обыкших

преграждати душе человеческой восход в  
горния обители, ихже достигнути сподоби нас,  
молитвами твоими, да зовем тебе благодарными  
гласы:

Радуйся, Пресвятой Троицы усердный  
служителю.

Радуйся, Пресвятой Владычицы Богородицы  
достойный избранниче.

Радуйся, Ангельских сил светлый собеседниче.

Радуйся, Предтечи Господня, пустыню  
полюбивый, подражателю.

Радуйся, пророков Божиих прозорливый  
поборниче.

Радуйся, Апостолов Христовых единомравный  
последователю.

Радуйся, мучеником добропобедный,  
сравнившийся в подвизех терпением.

Радуйся, святителем Богомудрым соревновавый  
душеспасительным учением.

Радуйся, пустынножителей славо и похвало.

Радуйся, Иверския Церкви духовное украшение.

Радуйся, лестнице, возвышенная между небом и  
землею.

Радуйся, приходящих к тебе благий  
предстателю.

Радуйся, святой преподобне отче Давиде,  
великий чудотворче.

## **Кондак 13**

О, великий угодниче Божий и чудотворче, преблаженне отче Давиде! Ты горе на небеси, мы долу на земли, удаленные от тебе не только местом, колико грехами нашими, обаче дерзаем приносить тебе малое похвальное пение, еже милостиво прием, умоли милосерднаго Творца помиловати нас и избавити геенны огненныя и мучений адских, да сподобимся вкупе с тобою в Царствии Небесном пети Ему вечно радостную песнь: Аллилуиа, Аллилуиа, Аллилуиа.

Этот кондак, читается трижды, затем 1-й икос и 1-й кондак

## **МОЛИТВА первая**

О, священная главо, преподобне отче Давиде, великий чудотворче! Припадаем к тебе с верою и любовью, и просим тя, небеснаго заступника нашего: яви велие милосердие твое нам, смиренным и грешным, и пролей теплыя молитвы твои о нас ко Господу Богу.

Исходатайствуй нам здравие душевное и телесное, земли плодоносие, воздуха благорастворение, мирное и безмятежное житие, и сохрани рабов, предстоящих и молящихся тебе, и осени небесным твоим благословением, и вся прошения их во благо исполни. Ей, отче, не презри молитв наших, со умилением к тебе возносимых, но буди о нас теплый предстатель

ко Господу Богу, да славословим великия щедроты и милости Отца и Сына и Святаго Духа, в Троице покланяемаго Бога и твое отеческое заступление во веки веков. Аминь.

### **Молитва вторая**

О, преподобне и Богоносне отче Давиде, Ангелов собрат и Апостолом подражатель, мучеником сподвижник, иноческой жизни пленитель, пустынником кормчий, молящихся тебе помощниче, просвещенный чудесами, молнией блистания твоего темных сил невидимо отгонителю.

О, преблаженне отче, молитвами твоими избави нас от всяких зол и сетей лукавых, земных и воздушных, от геенны огненной. Умоли возлюбленного тобою Бога, да ополчит нас Ангелами Своими, силою непобедимою.

О, пресветлая звезда, Божественнаго великолепия, будь заступник пред Святою Троицею, пред которой ты предстоишь, да избавит нас от междоусобныя брани, и даждь нам мирное и безмятежное житие, здравие душевное и телесное, земли плодородие, воздуха благорастворение, Божественным светом просвещение и с праведными во веки веков упокоение, яко да подобает Тебе, Пресвятая Троице, всякая слава, честь и поклонение во веки веков. Аминь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДНИЦЕ  
АРХАНГЕЛАМ  
И АНГЕЛАМ**

**І**

**НОВОЕ  
\* НЕБО**